



CUMINONZA  
ROMONTSCHA

FLEM

# Statuts dalla Cuminonza Romontscha Flem

<i>Definiziun</i>	La Cuminonza Romontscha Flem (CRF) ei l'organisaziun locala dils Romontschs da Flem e dils amitgs da quei lungatg. Ella ei confessiunalmein neutrala.
<i>Intent</i>	<b>I. Intent</b> Igl intent dalla CRF ei da mantener e da promover il lungatg romontsch sin plaun communal, en scola, ellas baselgias, ellas uniuns ed ella veta da mintgadi dalla vischnaunca da Flem.
<i>Commembers</i>	<b>II. Commembranza</b> La CRF ha commembers singuls, commembers famiglias e commembers collectivs (uniuns, societads e gremis ufficials). Ils commembers dalla CRF sustegnan sias activitads culturalas mintgamai tenor lur pusseivladads.
<i>Contribuziuns annualas</i>	Ils commembers singuls e famiglias pagan ina contribuziun annuala fixada dalla radunonza generala. Ils commembers collectivs sustegnan la CRF secund lur pusseivladads finanzialas.
<i>Organs</i>	<b>III. Organs</b> Ils organs dalla CRF ein: 1) la radunonza generala, 2) la suprastonza, 3) la gruppa da lavur, 4) il revisurat.
<i>Dretg da votar</i>	<b><u>1. La radunonza generala</u></b> Ella ha liug ina gada ad onn. Tut ils commembers han il medem dretg da vuschar. Ils commembers collectivs delegheschan in/a representant/a cun dretg da vuschar.
<i>Incumbensas</i>	Las incumbensas dalla radunonza generala ein: a) da deliberar il rapport annual dalla suprastonza b) d'approbar il quen annual
<i>Elecziuns</i>	c) d'eleger mintga dus onns il parsura, igl actuar, il cassier, dus assessurs e dus revisurs
<i>Program d'activitads</i>	La suprastonza presenta il program d'activitads ed il preventiv alla radunonza generala.
<i>Cumposiziun</i>	<b><u>2. La suprastonza</u></b> La suprastonza secumpona dil parsura, digl actuar e sch'igl ei pusseivel dad in tochen treis assessurs.
<i>Convocaziun</i>	Ella seraduna tenor basegns.
<i>Duer</i>	Ella ei responsabla per la realisaziun dallas activitads previdas.
<i>Cumpetenzas</i>	Ella dispona dils mieds finansials e renda quen alla radunonza generala.

<i>Cumposiziun</i>	<u>3. La grupp da lavur</u> La grupp da lavur secumpona dalla suprastanza, da delegai dils commembers collectivs e da persunas singulas che s'engaschan en favur dil Romontsch. Ella stat aviarta a mintgin/a che vul collaborar.
<i>Convocaziun Incumbensas</i>	Ella seraduna tenor basegns. Ella cussegla la suprastanza e propona activitads alla CRF.
<i>Rapport a scret</i>	<u>4. Il revisurat</u> Ils dus revisurs revedan mintg'onn il quen dalla CRF e rapportan a scret leusura per mauns dalla radunonza generala.
<i>Contribuziuns</i>	<b>IV. Ils mieds finansials</b> Quels derivan da contribuziuns annualas dils commembers, da contribuziuns d'instituziuns, da recavs d'atgnas acitivitads e da donaturs.
<i>Maioritad 2/3</i>	<b>V. Midadas da statuts</b> Ils statuts dalla CRF pon vegnir midai cun la maioritad da 2/3 dallas vuschs presentas a la radunonza generala.
<i>Maioritad 2/3 Facultad</i>	<b>VI. Sligiaziun dalla CRF</b> La CRF po vegnir sligiada cun ina maioritad da 2/3 dallas vuschs presentas a la radunonza generala. En quella radunonza vegn era priu decisiun tgei che ha da succeder cun la facultad.
<i>Data dall'ap-probaziun</i>	<b>VII. Approbaziun dils statuts</b> Quels statuts ein vegni approvai dalla radunonza generala dils 14 da mars 2017.

Il parsura



Hanspeter Meiler

Igl actuar



Giosch Gartmann